

代論

御史高樹奏謹釋憲法二字濫委權

奏為謹釋憲法二字之源委以正濫觀而杜流弊恭摺具陳仰祈 聖鑒事竊臣恭讀 上諭預備立憲其礎等因欽此仰見 皇太后 皇上天縱 聖明勵精圖治凡屬臣民莫不歡欣鼓舞億萬年有道之長矣竊維 盛時莫盛於何容贊議惟是憲法二字中國經典罕見不知者以為外洋新名詞隨譯考據本末以正偽而杜流弊謹為我 皇太后 皇上陳之臣伏查查領遺字彙從害省文中從豐草亂生貌言治國家者除害如農夫之去亂草焉下標橫目與心言人人心中皆當遵守此法也編是古之帝王因一事定一規則謂之法法既定而子孫世守之謂之憲字造於倉頡中古應富有憲法常憲商書傳曰監于先王成憲周書穆王曰永弼乃后于舜憲大抵皆三代憲法也而憲法二字連綴成文則自唐宰相陸贄始以擬輪澆授平章事制草也曰內告謨猷以匡時化外持憲法以一人心贊之意蓋謂貞觀政要為有唐一代憲法混為相望其舉行故制誥及之贊博通經學而達治體屬文一字不苟日本最重唐文變法時不便借用泰西語言文字見費集中有此二字辭嚴義重遂以為新政之美名近年奏疏公牘常引用此二字即何以出則舍費不言而自出外洋新名詞其感焉且新名詞之流弊不少矣臣考外國憲法既行上不虛下貴不驕不陵弱眾不暴寡有合羣愛國之心無官府士民之隔此憲法之體要也臣以中文譯之曰公曰信曰簡曰實曰和可也而世人偏引新名詞曰平等曰平權又見細民無失所之嗟婦孺有必伸之隱僑寓不安則言於鄰國匹夫無罪而漸謝於公卿此憲法之仁惠也臣以中文譯之曰睦睦曰驩驩曰和得其所可也而世人偏引新名詞曰民權曰自由又見名分不可妄干時事無妨婉諷是故郵報不必毀而違律者報館可封烏臺不必囚而警言者演說可散此憲法之寬嚴適中也臣以中文譯之曰寬爾有制威而不猛可也而世人偏引新名詞曰言論自由又見上議院為朝廷股肱下議院為庶民代表上必備於下者欲知小人之依下必質於上者慮隔君門之遠此憲法之聯貫也臣以中文譯之曰謀及卿士謀及庶人可也而世人偏引新名詞曰政黨曰黨又見或出或處門戶不分知古知今品流互重國粹大有藏書之府山林並無錮禁之備此憲法之大為包容也臣以中文譯之曰處羣不爭前行不悖可也而世人偏引新名詞曰新黨曰舊黨又見羈人所重保衛送迎禁令何遠統歸裁判兩國之官長相見脫帽握手以修儀列邦之兵弁乍逢注目舉鎗以致敬此憲法之大同也臣以中文譯之曰賓至如歸入國問禁愛人者人恒愛敬人者人恒敬可也而世人偏引新名詞曰均勢又見德建新軍以拒法日爭牛島以抗俄士卒入陣不顧生還婦孺捐金咸知助餉此憲法之成效也臣以中文譯之曰樂民之樂者民亦樂其樂憂民之憂者民亦憂其憂可也而世人偏引新名詞曰義務凡若此類不可枚舉智者觀其大意而得其真詮愚者語其重輕而惑於祈禱介在疑似別於毫釐是不可以不辨也獨至憲法二字處於倉頡而文成於陸贄粹美無可議者而世人矚目為新名詞何也愚民不解無足深論士大夫奔走功名不服考究一旦數典忘祖行人失辭亦中國之恥也然而失辭猶小焉者萬一以謬傳謬謂憲法與民權自由同是新名詞則憲法固重而民權自由亦不得獨輕其且謂憲法之中即隱寓民權自由之義則

流弊也 孔子為政必先正名之意至 朝廷舉行憲法如履所謂要仁惠寬嚴聯貫包容者一一徵諸實事以底於大同而坐收成效焉則堯舜周孔所有志未逮者漸已逮之又豈難美泰西日本而已哉洵如是也臣願為優游 盛世之福而拭目俟之矣 奉 旨政務處知道欽此 皇太后 皇上聖鑒謹 奏七月二十六日

要聞

譯文匯西報 ○八月初五日倫敦路透電云日本欲將黑龍江在江及滿洲北境之努尼(譯音)開放俄國各報均盡力斥之

同日電云英國泰晤士報載有論說言及俄國必將照約行事日本亦欲使此事易於了結日本已為開放門戶及保全中國領土而與俄相戰今則日本斷不因再與此俄戰矣

同日電云芬斯吞將軍會統帶美國陸軍掃掃阿圭那爾度者今已奉命即往古巴

八月初四日柏林電云路透電報所言德國在波斯設立銀行一事甚為不確不過目下商議此事而已倫敦與聖彼得堡之人均已知之矣

同日電云挪威國王哈實定於西十二月前往柏林

同日電云俄國亂黨在黎曼被捕者其數甚多所有之文牘均已搜出

譯字林西報 ○八月初四日日本館接香港風災善後辦法云撈收屍骸掃除破船之事尚在施行

香港總督已請總理委員設立方法以便香港政府借資於華人建船板無須納利

八月初四日倫敦路透電云俄國亂黨發布揭帖抵拒俄皇且聲稱凡有祖國專制者必將其滅除而後已

同日電云俄法薩情勢不靖故各領事署均有護軍護衛

同日倫敦電云有猶太人之代表人往見俄相斯德理平君俄相云在西利斯殘殺猶太人之事余必細為查辦並將為首之人嚴懲罰深望猶太人此次遭難必為最後之災又允將保護猶太人利權之議案交於議院商議

傳法薩之總督又聲明凡有謀殺猶太人者予必盡力懲罰

同日倫敦路透電云古巴情形若何美國官場尚未得其確報但行軍之事則已預備一切矣

八月初三日柏林電云古巴政府已明認自由黨五人為亂黨之代表

本省新聞

撫憲轅門抄 ○八月初六日 花翎四品銜補用知縣梁寅分發來請假二日 趙桐封 傅國俊 均派收呈詞 彭繼祖銷賑米差 張貴昭奉委調辦軍裝局 梁鴻藻請假一日 錢樹煥續假五日 巡檢吳德書調署長沙典史叩到 徐榮富叩謝赴辰州督銷局收支

1906年10月4日

公立師範合併辦理 長沙 ○省垣公立師範學堂現已歸併永興街崇德學堂辦理所有投考入學規則及報名開學時期已經該學堂將廣告備貼通衢矣

管帶應調赴粵 長沙 ○常備新軍步隊第二標三營管帶忠琦去歲為升撫憲端午帥隨帶來湘派充斯職今午帥總制南洋於軍事頗為注重所需人才早已籌及傳聞月前電調該管帶即日赴粵聽候差遣管帶接電後即日真辭銷差於本月初束裝南下矣

土業獲利甚豐 長沙 ○省垣土藥一色近來各行號所到幫貨甚多銷場極暢旺價值日益增漲獲利頗厚每家均約有數千金而尤以榮豐和劉同義公興祥玉昌生元亨利等數家為最佔多數並聞四川來源現在漲價愈速每百兩售銀由十四兩遞漲至二十三兩矣

外省新聞

內政界

平糶展限 江寧 ○甯垣甯北城平糶兩局自五月開辦至今貧民同聲感戴刻下新穀登場米價漸落本擬七月抄停止昨府縣各委員均以新米雖已上市價目仍舊五元之譜貧民難食仍恐不免難費故特稟陳大憲請復展限以待新穀登齊價目再見鬆減然後截止是亦體恤艱艱之意也

委查五屬災情 蘇州 ○蘇撫陳中丞以近來災荒迭見搶米之事時有所聞因特札委張大令鎔萬黎大令耀森陳大令學鑑凌大令邦璽魏大令允濟等五員馳往蘇松常鎮太五屬察看各屬災情輕重實復隨時核辦

調充三處提調 蘇州 ○蘇省督練公所參議處提調竇真高大令奉委署理元和縣缺遺差不遑兼顧乃經省憲札委本所兵備處提調李大令筠調充所遺兵備處差以教練處提調謝刺史謙調充所遺教練處差以本所總文案傅大令彞調辦

呈請撥款平糶 蘇州 ○吳邑西洞庭山一帶地方毗連蘇省濱臨太湖為烟繁盛梟匪橫行之地近因米價日形騰貴小民生計維艱以致人心不靖盜賊滋多實為閭閻之隱憂現聞有該處紳士兵部主事費德保候選縣丞秦崇海吳縣增學費肇會等聯名呈詞分赴府縣各署公稟情形聲請俯念民艱核撥公款俾得購辦米穀雜糧設局平糶以全民命而安衆心等語現當督憲支細籌款為難之際不識能邀批准否

九江府辦案回潯 九江 ○九江府孫太守辦結瑞昌民變案於日前回潯時特派常備軍二十名押解滋事犯王某行至半途伺隙逃去太守聞信半途折回瑞昌復派兵差四處緝拿幸即拿獲加以重刑刻聞太守已於初三下午登潯矣

批飭認真緝匪 江西 ○贛撫吳中丞前因時山匪徒滋事札飭候補知府曹太守樹藩前往密查復茲已將起事始末及文武員弁防堵情形逐一查明稟復撫帥奉批據稟各情已悉時山既知無匪該府縣並不確查據實稟報以致重煩鄰疆與師動眾勞而無功非特見諒於人該府縣自問於心安否嗣事以核實為要上雖開誠布公下仍狂於固習敷衍敷衍以為

秘訣實堪痛恨仰兵備處會同兩司轉飭新任饒州府張守務矯前弊督同該縣認真緝拿在逃匪黨以靖地方務須視為地方切已應辦之事毋得視為具文云云

嚴批履勘水災 四川 ○廣元縣驟被水災知縣捐廉急賑稟請督憲催新任端令赴任奉錫制軍批云據稟該縣木門

堡等處猝被蛟水成災繪圖請賑前來究竟沖刷田畝若干災戶丁口若干未據聲敘稟內聲明親往大石堡順屬兩處查勘其距城較遠之木門堡等處僅委紳勘即同署圖列順屬密邇東門大石堡距城三十里是如此奇災而該令是跡未至三十里之外無怪田畝戶口無從臚叙也一味含混率以請發賑款稟催新任為卸責地步試問從來災賑有如此顯預辦法乎惟察奪情形被災似重若待往返查詰聽聽恐貽誤災黎仰賑捐局先行籌備銀二千兩發交該縣具領俾資撫卹并飭該令速即親赴被災各場逐一履勘明確沖壓田畝若干災戶若干極次實丁口若干詳細查明限十日續行據實稟報以憑核奪毋再疎忽致干重咎仍將發款緣由移司備案查端令已否交卸自流井應即催赴新任候行司察核飭遵報災不勘更議恭嚴在任一日有一日之責任勿以受代在即存五日京兆之心伊戚自貽悔之何及切切併仰藩司轉行申飭嚴圖稽存

籌修監獄 四川 ○督憲批樂至縣遵札籌修監獄稟云所稟詳明以新舊兩圖比合觀之修改之處極為合宜足見該署令實事求是絕非敷衍辦法各牧令於此事或尚用心而未得法或畏難苟安或視為具文未能盡心其事而又明其理者殊不拿見該令宜勉力妥辦為一成一不易之計使將來法政一切有可藉手不致土木重興徒耗財力為要至籌款本雖捐集四百不敷支用准於育嬰積存項下提借以應要需仍由三費按籌籌還速委紳經理修改之際監內各犯務須遷於嚴密之所以免疎虞規則可行者先行其有規劃所未備者譯本監獄學可摘取者均宜隨時籌辦以臻完善仰按察司轉飭遵照繳圖存

外交界

力駁教士在內地租房賣書 江西 ○江西英教士都樂善因擬在都昌縣租地傳教賣書當稟經駐潯領事函致吳撫請飭為飭該縣出示保護以免縣屬勒捐刁難不相等因旋經吳撫請飭該教士在內地傳教租房賣書不特難於函復且該領事復據天津條約第十二款所載英國民人在各口並各地方意欲租地蓋屋設立棧房禮拜堂醫局墳墓均按民價照給公平定價不得互相勒捐各等語謂約章既有文明况教士內地傳教原准租屋居住便搭賣書藥誠心本不外乎善舉復行函請吳仲帥札行該地方官必須據約認真保護勿再仍前挾同刁難云云仲帥接函後復查天津條約第十二條所載各節係指通商口岸地方而言并非指不通商之內地而言歷歷照辦彼此均無異議至教士入內地傳教如買地為建堂之用其賣契內祇可載明賣作本處教堂公產字樣若係洋人在內地置買私產與條約不合仍應禁止緣教士祇准在內地傳教勸善為務既不應私置產業即不應私作買賣如教士都樂善前住都昌租屋賣書實須取價非贈書購藥祇為行善可比實與條約不合茲該領事來函既聲明該教士都樂善僅擬在都昌縣地方租屋居住專以傳教自應飭令地方官按約認真保護如該教士遇事和平商辦并無別意該地方官亦無不照約優待業已札行洋務局轉飭都昌縣遵照並函復英領事希飭知該教士共敦睦誼矣

學務界

學部派員考察蒙學 北京 ○學部各堂憲以改良學務首以整頓蒙學為正本之圖故於各處初級小學再三注意目前復由部派員將所有官立各等蒙學認真調查俾將學童成績查明

特開演說立憲大會 天津 ○天津各學堂定於今日借座李公祠內齊集演說立憲大旨茲將其所定附章照錄如下
 八月初五日假李文忠公祠為開會處所 赴會學生均着操衣人少不成隊者聽 各堂赴會學生須認明各本堂名簽就坐 各堂勿須自帶聽差以期整齊 分立司簿處(理銀錢)執事員(理庶務)接待員(接來賓)無論何堂教員學生均可隨時聲明註冊 演說員聚坐一處以便延請 此次開會費用無多所有開銷均由北洋大學堂措辦嗣後開會擴充辦法再由開津各堂籌集公款 各堂演說員預將演說大意草具一紙演說學交本會書記以備核對 開會次序
 (一)會長宣佈開會宗旨并恭讀 上諭畢齊呼 萬歲三聲
 (二)奏軍樂 (三)演唱祝立憲歌 (四)來賓演說 (五)演說員按次演說 (六)演說畢時奏軍樂 (七)餘興(或風琴獨奏或唱歌) (八)閉會

學部獎勵畢業生 山東 ○省城第一公立學堂去歲高等小學畢業經提學使面試後詳請撫帥咨部給獎所有考列最優等之甘嘉棟等五名給請獎原生優等之王有容等五名均請獎增生中等之郝鵬一名請獎附生以示鼓勵並將各生履歷清冊分數表試卷清摺等件一并咨呈現經學部查得所請應附各獎與奏章相符應准註冊由提學使按照所列等第名次填寫執照已於七月初十日咨行到東矣

錢業稟設牛日學堂 寧波 ○寧波府喻太守照會商會文云案准候選道方紳桂函開甬江為通商口岸錢莊為百業領袖內外交通影響尤捷而各錢莊故步自封新機莫達一遇交涉動形棘手雖有要件漠不關心諒由商智未開商律未諳之故見聞所及倍深杞憂欲求開通之道非設學堂不可亟應創始以作模範因與諸弟等籌議先就錢業設立牛日補習學堂一所擬即於大小各錢莊按年分別捐助大者每莊每年捐洋一百元小者每莊每年捐洋四十元以錢業之財即以教錢業之人因勢利導似屬可行惟合大小錢莊共有五六十家若逕自勸其承認在明理者固表同情而偏見者恐生異議一有阻滯事敗垂成商學不明深為可惜今特繕函垂擬就錢業牛日補習學堂籌款草章九條謹呈鑒核照會商會總董吳協同籌集劃切勸導務令大小各莊按照定數分別簽允庶經費有著學堂得以早日立成實於商學兩途均有裨益將來商務完全商務繁盛地方之福即長官之賜至於相度校舍延師教習參訂章程真請存案等情統統候籌有的款陸續舉辦隨時請示等因准此查甬江錢莊為各業之冠謀求計學者為最先方紳議以莊號所捐之款培植莊號所用之人俾貿易前途得以發達誠為當務之急其開校處所昨經本府與貴紳面商鹽倉東渡之間有建船廠可租地既適中房亦合用應即就此定議擬合備文照會為此照會貴商會請煩查照希於甯郡大小錢莊五六十家劃切勸導分別認定一面統計所捐數目將學生名額及開辦常年各項經費會同請紳妥速籌議詳訂章程務於秋冬之間一律就緒擇期開校仍先將辦理情形報明查核幸勿稍延是為至要須至照會者

札委赴常兼查學務 蘇州 ○蘇撫陳筱帥近以常州府武陽縣紳士衝突致公學傳習所等處均以教習與官紳意見不合至今暑假已過未報開學殊為遷延觀望故以委赴常州查辦並請發米之童米孫太守捧檄前往即飭查辦學務催飭該屬武進賴葆臣大令迅飭紳士趕定教習安速開課其餘清涼寺清海一案雖據報稱驅逐究屬是否照辦亦飭一併查辦云牌示學生到堂期限 安徽 ○高等學堂監督以暑假過期已久學生到堂者寥寥特下示諭一道畧謂本堂暑假已滿尚

教員早經開學班次排定不能先後參差致難授課所有尚未到堂學生凡在一百里以內者限三日到校二百里以內者限五日到校三百里以內者限八日到堂四五百里者限十二日到堂客籍學生均限五日到堂逾限定即除名不能為諸生等通融遷就各宜遵遵幸勿自誤後悔云云

軍事界

真留象山礮台官 鎮江 ○駐鎮象山礮台總台官溫朝儀奉署督憲周玉帥調往兩廣差遣惟鎮地軍界暨商界中人以溫君營規極整日捐廉創辦之習礮學堂廢於半途尤為可惜爰聯名公稟玉帥俯順輿情免予選調未知能邀准否

實業界

考工廠演說工商 天津 ○本月初三日為天津考工廠第十三次演說之期仍在東馬路官講所是晚八點開演首由工商研究總會會長李君演說商業學次由美國德保大學堂畢業生劉巨川君演說工商學理又次高等工業學堂教習徐硯農君演說商法末由實習工場總工程師中澤君演說製造廠之法律時晚到場者除本廠郭朱兩管理外有工藝總局總辦周觀察幫辦周太守趙參議實習工場陳管理李學董宋議紳諸君此外聽演者約四百人至十一鐘餘始散

捐充實業學費 蘇州 ○蘇省實業學堂擬於年內定期開辦前經撫憲札委商務局總辦陸純伯觀察總理其事以專責成在案茲有兩滙縣民人錢鴻遠等赴該局呈稱情願報効蕩田一萬三千餘畝並洋五千元一并作為學費經費伏乞批示遵行等語旋經縣批示署謂據該民人等請將自願升科蕩田一萬三千七百八十六畝一律移充實業學堂仍按年照繳額租並另籌洋五千元以充學費經費等情是否可行應候撫憲批示所呈永興莊票姑先隨批發還仰候案定再行核飭遵辦

仿製洋鞋 江甯 ○金陵各學堂學生標營徵兵在堂營多牛改著西裝其所穿洋鞋計每雙銷場頗大前係購於上海均來自東西兩洋後即有學藝南洋者大滙仿製近因南京用既廣亦有踵而行之者此間府東街外華榮華兩號以及花牌樓狀元樓等處其號均仿東西洋式皮鞋製造頗能物美價廉觀金陵之工藝足見日有起色矣

擬製藕粉 江甯 ○金陵元武湖湖產向以荷葉蓮米為大宗而湖底之藕則禁人挖採以致陳陳因任其腐棄近湖民有鑒於此以乘利於地殊覺可惜爰擬製造藕粉其售價除劃給工食外所有贏餘悉數繳局庶於公私兩有裨益該湖民於植物漸知講求實業發達之機方興未艾焉

商務界

絲業虧折 江甯 ○金陵製緞所用之絲分經緯二宗大都成自編戶齊民而織緞之家利賴之近因緞市衰頹銷場日絀經緯絲價因之遞漸短少較之五月間價目僅及八五成之譜合計金陵本地絲業經緯二宗每年共值銀三百餘萬兩今以八五折核算絲業虧折其鉅不獨織緞之家生意中落即業經緯之編戶齊民亦多欲易輟改絃別求他項實業以為謀生之術矣

路礦界

提議接修張庫鐵路 北京 ○政府前擬修築張庫鐵路屢因款絀迄未成議茲據傳聞日前政府復提此議以現當預備立憲地方自治事宜自應及時舉辦而實邊尤為當務之急現在京張鐵路已成擬即籌款接修由張家口直達庫倫鐵路派兵防守並將張庫開通商埠以期充實邊隅振興商務一俟籌政緒即擬奏辦

購買鐵路股票之踴躍 江甯 ○甯滬鐵路股票由南京商務總局商會分售月前各業商董會齊由協理坐辦等將招股章程一律通知每股洋五元分期按收業商董意願踴躍如絲緞商董張裕泰等先行認領二百股次如典業洋貨布業以及各業均聞已由董事認領分售則購鐵路股票之踴躍於此可見一斑

赴東聘請鐵路教員 杭州 ○江墅路線前經工程編羅君覆勘現已一律插標繪圖其各項材料久已招人承辦以便定期開築所有各項執事人役雖經派選恐未諳一切或多扞格故特赴浙路業務傳習所藉施速成教育以魏君仲吾經理其事聞魏君於七月望後復裝赴東聘請此項教員約兩月即可回杭以免耽誤云云

繳照停辦礦務 安慶 ○東流縣養山珠喜山炮山等煤礦前據職商陳啓昌等予開採在案現該商因事難湊手擬欲中止故於日前將所領之執照呈繳商務局轉呈撫院咨部核銷籌議鐵路購地章程 武昌 ○川粵漢鐵路各巨公屢因分委購地各員稟報辦理還讓墳墓一事諸多掣肘因議妥訂專章以免愚民阻撓有碍全路大局刻正協議聞梁廉訪擬以寬嚴並用之法處之云

雜紀

密滬製造局歸練兵處派員經理 上海 ○署江督周玉帥將江甯製造局併合滬局已志前報聞玉帥奏請已將滬滬兩局改歸練兵處派員經理庶與各省機器局所造槍炮可期一律以免各軍械參差並力保分省補用道張子珩熟諳製造堪勝督辦之任張觀察現已於本月初一日抵滬即駐製造局內不日接差

圩隄潰決 蕪湖 ○蕪湖大江南北圩田為多今春春夏多雨秋潮又漲測測滔滔幾有不可驟遏之勢連日以來又江北之和舍無為州江南之富蕪繁三縣所有瀕江之小圩全行破壞蕪湖則南鄉之桑樹圩日前已破而麻埠鳳林兩圩為蕪湖最固圩隄前日因大雨亦遭決口所幸農民救護甚烈用力堵禦未至衝潰猶不幸中之幸也

粵閩奏派南洋視學員劉令士 廣東設南洋華僑勸學所

文

敬稟者竊卑職聞孟氏有言豪傑之士雖無文王猶興若其平人非豪傑其不能不待文王也明矣抑又聞孟氏言吾患而寒之者至矣吾如有萌焉何哉蓋物生必稊當萌芽之時其不能不賴有人焉維持調護又可知矣南洋華僑奮然興學其氣勃勃蓬蓬至為可敬然其屬幼穉勤為灌溉善為扶植可蔚成棟梁之材苟舉而村之賤場師則舍梧楸而養楸棘乘稻梁而種黃稗不惟園會鞠為茂草將有滋蔓難圖之憂今者倡亂黨徒大演邪說欲握南洋教育之權以革命為宗旨以無政府為目

的其破壞學堂不在表面而在內容卑職再三思維非由內地派學優品粹博通中外之碩儒為各學堂總監學員不足以挽狂瀾而資表正屢與巴城中學學堂總教習林奎熟商歎為最急之務旋接檢羅龍川等十六學堂陳猛曹碩等四十餘教員呈稱竊謂欲求國家之興盛在於興建學堂而欲求學務之進步在於組織學會云云即他日可以為自治之基礎計亦得也等因前來正俟與所到各學堂紳董籌議不意行抵萬隆臥病一月勿克前進因電請各學堂紳董會議學務於萬隆泗水張濟安馮耀馬啓恩錦石高啓惠嚴望郭運煌巴城陳金山展玉蔡滄潔萬隆陳桂華萬寧呀張順然馬萬端鄭鴻端南安由楊本福井里汶蔡盛福八加耶謝永發波羅某鄭娥鄭傳職等十三名為各該學堂代表提議設立爪哇全島總監學章程開列綱目第一章大綱總監學人格分注子目八條第二章大綱總監學駐紮處所分注子目三條第三章大綱總監學查學時期分注子目二條第四章大綱總監學往返川資及寄宿膳費分注子目三條第五章大綱總監學常年經費分注子目三條第六章大綱總監學常年經費分注子目三條各代表人皆認可決議簽名請由官保派員前往辦理此爪哇全島請立總監學之情形也及抵檳城暨大小吡叻等埠與各紳董談及設總監學一事該紳董等深慨羣言淆亂非有總監學不能正其歧趨學董狐疑非有總監學不能鼓其猛進爰請稟設檳城學務公所公舉胡道國廉為正監督林成德為副監督梁丞副領事廷芳及張舜卿梁樂卿溫文且謝德順林克全等為總理陳瑞利伍社旺吳德志黃學文林廷祥黃金慶等為副理造送名冊前來此檳城請立學務公所之情形也若夫星加坡向無中文學堂前數年雖有建孔子學堂之議然至今尚未成立詢諸該埠紳商皆謂倡議之人議論多而功少卑職甚惡夫好為大言者動稱在星加坡建南洋總學堂又言建南洋大學堂其所欲籌學費不曰百數十萬即曰二三百萬是以有志之士相嗤以鼻皆以其言為河漢發議數年而不能集一欸開一學學職與諸華僑正言曰星加坡南洋大學總學堂之設將來或有然今非其時今宜各埠各應先謀分立學堂籌備有百川而後有四海也今宜各埠各應先設兩等小學堂譬諸有基礎而不甚充者有擲節辦法者必激西江以濟涸澗則純於枯魚之膏矣諸華僑以為然於是應辦學堂開辦正學堂開辦商提議辦兩等小學總商會議定開兩等小學聞風興起當未有涯然非有總監學員亦不能畫一章程而端正趨向此星加坡宜設總監學員之情形也卑職揆度情形荷屬爪哇島地方頗廣大總監學員之情形也卑職揆度情形荷屬爪哇島地方頗廣大小數十埠已設學堂二三十所應俯如該教員該紳董所請准其設立勸學公所並代為聘請所長兼總監學之任查照萬隆會議章程辦理星加坡可令設勸學公所於總領事署即以該領事為所長檳榔嶼可令設勸學公所於不章會館暨轉大小吡叻吉隆各埠學堂即以該埠公舉學務公所正監督之胡道國廉充所長惟惟道國星嘉坡領事各有應辦要務不能時往各埠學堂查視應請派熟悉學務志趣純正之總監學員為之幫辦星嘉坡與檳城吉隆等處島嶼雖分而路程其近現派一員儘可兼理就下情形觀之非此不足以扶南洋學界近年各華僑天誘其衷既知發憤興學知稟請派員視學今更殷殷以派總監學員常年查學為請其熱心學務實屬可嘉况現有倡亂邪惑世誣民寘職之徒既為其所煽守正之士不敢與相爭誠欲經營南洋維繫南島人心發奮中國學術此殆千載一時之機而如上云云或亦千慮一得之策也所有請派南洋英荷兩屬地華僑各學堂總監學員二名各緣由是否有當伏乞批示飭遵謹肅寸真敬請鈞安仰維垂照卑職士曠謹稟

日 大西門外

泰生洋行

商 新碼頭

經理 東京 大倉公司

本行經辦各名廠所製各式
機器軍裝軍火輪船五金等
項並自運各色雜貨一概俱全
價廉貨美格外克己如蒙
賜顧請 移玉本行面議謹白

松雪紙局

本店開設長沙省城內中街坐朝西
蘇杭屏聯精造各式改良郵筒
水繪圖器綾緞絹金雜料八寶
翻印本店板片請多特登報端
以假假冒凡承賜顧請認本局
印信為憑

新江 暢叙茶樓

上海新悅泰珍洋貨號
分設湖南

本樓開設長沙省城內中街門上小東街坐北
式裝璜別緻雅坐格外清潔招呼周到比來不
若各色細點洋粉大麵美味包餡特請上海高
賜顧請認本樓招牌為記庶不致誤
本號開在長沙城內中街門上小東街坐北
總頭食物各色洋酒經理各種香烟美香肥皂
官禮贈般西式洋點一應俱全凡蒙仕商賜顧
先行交易改為七月二十六日開張
主人 啟

新宜新園益堂

本號開設長沙省城內中街門上小東街坐北
式裝璜別緻雅坐格外清潔招呼周到比來不
若各色細點洋粉大麵美味包餡特請上海高
賜顧請認本樓招牌為記庶不致誤
本號開在長沙城內中街門上小東街坐北
總頭食物各色洋酒經理各種香烟美香肥皂
官禮贈般西式洋點一應俱全凡蒙仕商賜顧
先行交易改為七月二十六日開張
主人 啟

桂陽縣壽康堂戒烟丸


此丸專治中國補氣補血化痰殺菌諸品消息成方
欲難以生士嗚呼此真入誅滅滅心專本堂不取
分售處衣舖街公昌興

長沙省城坡子街 各種戒烟奇藥

夫洋烟之害實吾邦第一嚴厄也朝野咸知
大員加稅除積習何以國強惟是禁烟之局多
苦若不除積習何以國強惟是禁烟之局多
以布奏效殊難寸金由授與強流弊人參金
癮之聖藥可斷根化癮衛生藥每大盒售洋四
二角每盒售洋八角

精益五金號

本號開設長沙省城內中街門上小東街坐北
式裝璜別緻雅坐格外清潔招呼周到比來不
若各色細點洋粉大麵美味包餡特請上海高
賜顧請認本樓招牌為記庶不致誤
本號開在長沙城內中街門上小東街坐北
總頭食物各色洋酒經理各種香烟美香肥皂
官禮贈般西式洋點一應俱全凡蒙仕商賜顧
先行交易改為七月二十六日開張
主人 啟



凡購者請認明招牌
不致有誤主顧
耳

新昌木器公司

本公司開設湖南省城內坡子街坐南朝北石庫門
不惜工料精造各式傢俬時樣木器
一應俱全貨真價實重受無欺蒙
賜顧者請認招牌為記

